

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

子部
第一
四四冊

魯新登字 07 號

責任編輯：孫言誠 · 賀 偉

ISBN 7-5333-0478-0



9 787533 304782 >

EB62/14

四庫全書存目叢書·子部一四四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一四四冊目次

子部·雜家類

益智編四十一卷(二)

〔明〕孫能傳輯
北京大學圖書館藏明萬曆孫能正刻本

法教佩珠二卷

〔明〕林有麟輯
上海圖書館藏明萬曆四十二年刻本

經世環應編八卷

〔明〕錢繼登輯
中國科學院圖書館藏明楊瞿峽刻本

槐林漫錄十卷

〔明〕瞿式耜輯
南京圖書館藏明崇禎九年瞿氏耕石齋刻本

掌錄二卷

〔明〕繡雲居士輯
中國科學院圖書館藏清嘉慶二十年福申鈔本

檢蠹隨筆十卷

〔明〕楊宗吾撰
北京圖書館藏明萬曆三十三年王尚修刻本

六五九

六二一

五二三

二五五

二〇〇

一

益智編四十一卷(二)

〔明〕孫能傳輯

北京大學圖書館藏明萬曆孫能正刻本

附《四庫全書總目·益智編四

十一卷》提要

益智編卷之十七

四明孫能傳一之甫纂輯

兵戎類六

第能正立之甫校刊

戰略下

劉裕伐南燕慕容超帥舟師自淮入泗至淮陰郗鑒督船艦輜重步軍遙瑯琊或謂裕曰燕人若塞大峴之險或堅壁清野大軍深入將奈何裕曰鮮卑貪婪不知遠計進利虜獲退惜禾苗謂我孤軍遠入不能持久不過進據臨朐退守廣固必不能守險清野敢爲諸君保之超聞晉師至引羣臣會議公孫五樓曰吳兵輕果利在速戰宜據太峴使不得入曠日延時沮其銳

益智編 卷十七

一

氣然後徐簡精騎循河而南絕其糧道別勅段暉帥兗州之衆緣山東下腹背擊之此上策也各命守宰依險自固芟除禾苗使敵無所資彼僞軍無食求戰不得旬月之間可以坐致此中策也若縱賊入峴出城逆戰非勝美矣超不聽裕過大峴舉手指天喜形于色左右曰公未見敵而喜何也裕曰兵已過險士有必死之志餘糧棲畝人無匱乏之憂虜已入吾掌中矣裕與燕兵戰于臨朐南恭軍胡藩曰燕悉兵出戰城中留守必寡願以奇兵從間道取其城此韓信所以破趙也裕從之克其大城于是因齊也表諸悉

停江淮漕運超求救于秦秦使謂裕曰慕容相與陸
好今晉攻之急已遣鐵騎十萬屯洛陽若軍不退當
長驅而進裕謂秦使曰語汝姚興我克燕之後息兵
三年當取關洛今能自送便可速來劉穆之曰此語
未能威敵適足怒敵耳若廣固不下羌寇奄至何以
待之裕笑曰此是兵機非卿所解夫兵貴神速彼若
審能赴救必畏我知寧容先遣信命此自張之辭也
晉師不出爲日久矣羌見伐燕殆將內懼自保不暇
何能救人丁亥裕悉衆攻城獲超送建康斬之

朱齡石爲益州刺史與臧熹等伐蜀劉裕與齡石密謀

孟智編 卷十七

二

曰劉敬宣往年出黃虎無功而還賊謂我今當從外
水往而料我當出其不意猶從內水來也必重兵守
涪城以備內道若向黃虎正墮其計今以大衆自外
水趣成都疑兵出內水此制敵之奇也而慮此聲先
馳賊審虛實別有函書封付齡石署函邊曰至白帝
乃開至白帝發書曰衆軍悉從外水取成都臧熹從
中水取廣漢使高弼乘高艦十餘從內水向黃虎諸
軍倍道兼行譙縱果備內水齡石至平模斬其將侯
輝縱棄城走

楊用修曰外水卽岷江自重慶上叙州嘉定是也

內水卽涪江自重慶上合州遂寧潼綿是也中水
卽沱江自瀘州上富順資簡金堂漢州是也

何無忌次桑落洲桓玄將何澹之率軍來戰澹之常所
乘舫旗幟甚盛無忌曰賊帥必不居此欲詐我耳今
衆寡不敵戰無全勝此舫戰士必弱我以勁兵攻之
必得之得之則彼勢沮而我氣倍因而薄之破賊必
矣遂攻得之因傳呼曰已得何澹之矣賊驚擾官軍
亦以爲然乘勝徑進大破之

隋末王世克擊李密密召諸將會議裴仁基曰世克悉
衆而至洛下必虛可分兵守其要路令不得東簡精

孟智編 卷十七

三

兵三萬徬河西出以逼東都世克還我且按甲世克
再出我又逼之如此則我有餘力彼勞奔命破之必
矣陳智畧單雄信等皆請決戰密遂出兵世克先索
一人貌類密者縛而匿之戰方酣使牽以過陣前諜
曰已獲李密矣士皆呼萬歲密軍遂潰

按左氏傳尉人濮與華登戰以裳裹首而荷以走
曰得華登矣遂敗華氏於新里無忌之破何澹之
王世克之破李密其智皆出於此然楊玄感僞稱
敗以怠官軍則又反其意而用之用在我則我奮
而足以敗敵用在敵則我懈而反敗於敵戰氣之

盛衰亦在其善用之耳

楊玄感反攻東都刑部尚書衛玄與玄感戰兵始會玄感詐令人大呼曰官軍已得玄感矣官軍稍息玄感以數千騎乘之玄兵於是大潰

劉裕伐秦王鎮惡請帥水軍趨長安許之鎮惡泝渭而上乘蒙衝小艦行船者皆在艦內秦人但見艦進驚以爲神至渭橋鎮惡令軍士食畢皆持伏登岸密使人解放舟艦渭水迅急倏忽不見乃諭士卒曰此爲長安北門去家萬里舟楫衣糧皆已隨流今進戰而勝則功名俱顯不勝則骸骨不還無它岐矣乃身先

益智編 卷十七

四

士卒衆騰踴爭進大破姚丕軍遂入長安

宗慤伐林邑林邑王以具裝被象前後無際士卒不能當慤曰吾聞獅子威服百獸乃製其形與象相禦象果驚奔衆因潰散遂克林邑

按國初張輔討安南安南列象爲陣輔以畫獅蒙

馬神銳翼而前象皆股栗退走正祖宗慤之智

隋劉方經畧林邑師渡閩黎江林邑兵乘巨象四面而至方戰不利乃多掘小坑草覆其上以兵挑之旣戰僞北林邑逐之象多陷地顛躓轉相驚駭軍遂亂方以弩射象象走蹂其陣即以銳師繼之林邑大敗引

兵追之過馬援銅柱南八日至其國都刻石紀功而還

按五代時南漢吳玠克賀州楚人來救玠鑿大堦于城下覆箔於上以土傳之楚兵逼城悉陷奔中近時趙珂在大同與俺荅對壘夜于陣前掘小坑詰朝來衝馬多躓俺荅痛哭而去二事與劉方並同

未潘美伐南漢南漢人教象爲隊每象載十數人皆執兵仗置陣前以壯軍威美集勁弩射之象奔踴乘者皆墜反踐其軍遂大敗

益智編 卷十七

五

國初麓川酋思倫發叛沐英曰賊所恃者象耳吾知其無能爲也乃令軍中置火銃神機箭分爲三隊俟象進則火銃以次而發破之必矣陣旣交象皆被甲衝突而來我軍矢石俱發象股栗而奔賊衆大敗

按物之體巨而力強惟象爲最故佛書稱菩薩之力譬之龍象南中諸夷每恃以取勝然所以禦之者其方亦多不獨獅子而已鶴林玉露云鼠可害象是象畏鼠也虞衡志云倉卒遇象以長竹繫火逐之輒退是象又畏火也嶺南異聞云象嗜豚引類次田而食鳥夷以孤豚縛籠中懸諸深樹孤豚

被縛喔喔不絕聲象聞而怖復引類遁去是象又畏孤豚也

宋檀道濟伐魏以資運竭乃還有亡走魏者具說糧食已罄魏人追之士卒憂懼莫有固志道濟夜唱籌量沙以所餘少米散其上魏軍見之謂資糧有餘故不復追以降者爲妄斬以徇時道濟兵少魏兵甚衆道濟命軍士被甲已白服衆輿引兵徐出魏人以爲有伏兵不敢逼稍稍引退道濟全師而還

齊魯康祚侵魏夾淮而軍魏長史傅永曰南人好夜砮營必于淮中置火以記淺處乃夜分兵爲二部伏于

蓋智編 卷十七

六

營外又以瓢貯火密使人于深處置之戒曰見火起則亦然之是夜康祚果引兵砮示營伏兵夾擊之康祚走趣淮火競起不辨淺處溺死不知其數

西夏元昊擊吐蕃哨廝囉兵臨河湟廝囉壁鄯州不出元昊乃渡河插幟識其淺廝囉使人移植深處及大戰元昊潰歸士卒視幟而渡溺死者十八九

陳侯瑱圍逼湘川周遣賀若敦救之連戰破瑱乘勝遂次湘川俄而秋水汎濫糧援斷絕敦恐瑱等規知乃於營內多爲土聚覆之以米召側近村人陽有所訪問令於營外遙見隨即遣去又增修營壘造廬舍示

以持久初土人密乘輕船載米肉以餉瑱軍敦患之乃僞爲土人裝船伏甲士于中瑱軍望見謂餉船至逆來爭取伏甲出盡擒殺之又敦軍數有叛人乘馬投瑱者敦別取一馬牽以趨船令船中逆以鞭鞭之如是再三馬畏船不肯上後伏兵江岸使人乘畏船馬詐稱投附以招瑱軍瑱軍競來牽馬馬既畏船上伏兵發又盡殺之以後實有饋餉及亡奔瑱者並疑不敢受相持歲餘瑱不能制求借船送敦渡江敦乃勒衆而還

隋總管李景爲漢王將喬鍾葵所圍詔楊義臣救之義

蓋智編 卷十七

七

臣自以兵少悉取軍中牛驢得數千頭復令數百人持一鼓潛驅之澗谷間出其不意義臣與鍾葵戰兵初合命驅牛驢者疾進一時鳴鼓塵埃漲天鍾葵軍以爲伏兵發因大潰縱擊破之

陵州木籠獠恃險每行抄劫詔陸騰討之獠因山爲城攻之未可拔騰於城下多設聲樂及諸雜伎示無戰心賊果棄其兵仗或携妻子臨城觀樂騰知其無備遂縱兵討擊破之

唐吐谷渾與党項寇洮州詔柴紹討之虜據高射紹軍矢下如雨士衆失色紹安坐遣人彈琵琶使二女

子對舞虜異之休射縱觀紹伺其懈以精騎從後掩擊虜衆大潰

按陸騰之設聲使柴紹之彈琵琶所以柔敵人之銳氣而使之自懈與宜僚弄丸越王使罪人自刎意同

宇文忻擊尉遲迥於鄴下官軍不利時鄴城士女觀戰者數萬人忻與高潁謀曰事急矣當以權道破之于是擊所觀者觀者大驚而走轉相騰籍聲如雷霆忻乃傳呼曰賊敗矣衆軍復振齊力急擊之迥大敗

周韓雄除東徐州刺史東魏雍州刺史郭叔略頗爲邊

查智編 卷十一

患雄密圖之輕將十騎夜入其境伏於道側遣都督韓仕於略城服東魏人衣服詐若自河陽叛投關西者略出馳之雄自後射之再發咸中遂斬略首

楊樹至建州東魏尉景攻陷正平復遣薛修義與斛律俱相會於是敵衆漸盛樹以孤軍無援且腹背受敵謀欲援還復恐義徒背叛遂僞爲周文書遣人若從外送來者云已遣軍四道赴援因令人漏泄使所在知之又分土人義酋令各領所部四出抄掠擬供軍費樹分遣訖遂於夜中拔還邵郡朝廷嘉其權以全軍

隋末涿郡通守郭絢討高士達時竇建德亡歸士達士達自以智力不及建德乃推爲軍司馬以兵授焉建德請士達守輜重自簡精兵七千拒絢詐爲與士達有隙而叛之士達宣言建德皆亡取虜獲婦人給爲建德妻子於軍中殺之建德僞遣人遺絢書請降願爲前驅破士達以自效絢信之懈不爲備建德襲之大破絢軍

唐李光弼詣河陽史思明有良馬千餘匹每日出於河南渚浴之循環不休光弼命索軍中牝馬得五百匹繫其駒而出之思明馬見之悉浮渡河盡驅入城思

查智編 卷十七

明怒泛火船欲燒浮橋光弼先貯百尺長竿以巨木承其根瓊褻鐵叉置其首以迎火船而又之船不得進須臾自燒盡

李愬討吳元濟將攻吳房諸將曰今日往必法當避愬曰吾兵少不足戰宜出其不意彼以往亡不吾虞正可擊也遂往克其外城而還

按劉裕之入臨朐李愬之破吳房皆以往亡取勝二人果銳略同而李之出其不意謂賊以往亡不吾虞尤爲勝算當鄧禹之敗於王匡幾困矣會明日癸亥匡等以六甲窮日不出禹得理兵勸衆勢

乃復振使匡出其不意因而蹙之禹復有噍類
李愬援文成柵柵將吳琇琳降愬單騎抵柵下與語親
釋其縛署以爲將琇琳爲愬策曰必破賊非李祐不
可祐賊健將也守興橋柵管易官軍愬候祐護獲在
野遣史用誠以壯士三百伏其旁但見羸卒若將燔
聚者祐果輕出爲用誠所擒諸將請殺之愬不聽以
爲客將日夜與計事祐曰元濟勁軍多在洄曲西境
防捍守蔡者皆市人疲耄之卒可乘虛掩襲直抵懸
砲比賊聞之元濟成擒矣愬然之乃夜出軍令祐率
勁騎爲前鋒襲張柴磯其戍會大雨雪行七十里夜

蓋智編 卷十七

十

半至懸瓠城城旁皆驚驚池愬令擊之以亂軍聲賊
恃吳房朗山戍晏然無知者祐等坎墉先登殺門者
發關留持柝傳夜自如黎明愬入駐元濟外宅元濟
請罪檻送京師諸將請曰始公敗於朗山而不憂勝
於吳房而不取冒大風甚雪而不止孤軍深入而不
怯然卒以成功皆衆人所不喻也愬曰朗山不利則
賊輕我不爲備矣取吳房則其衆奔蔡併力固守故
存之以分其兵風雪陰晦則烽火不接不知吾至孤
軍深入則人皆致死戰自倍矣夫恃遠者不顧近慮
大者不計細若矜小勝恤小敗先自撓矣何暇立功

乎衆皆服

按李愬之入蔡我 成祖之討乃兒不花以雪高
行周之取鄆以兩藥元福之破契丹以逆風蘇定
方之襲頡利沐西平英之征雲南以霧皆所謂出
其不意攻其無備者也

浙東兵大破裘甫于南陳館賊委棄縑帛盈路昭義將
跌跌幾令士卒取顧者斬賊復入剡觀察王式趣諸
軍圍之凡八十三戰賊請降式曰賊欲少休耳益謹
備之賊果復出又三戰甫等從百餘人出降離城數
十步官軍疾趨斷其後遂擒之諸將請曰某等久更

蓋智編 卷十七

十一

行陳今幸從公破賊然私有所不喻者敢問公之始
至軍食方急而遽散之何也式曰賊聚穀以誘饑人
吾給之食則彼不爲盜矣且諸縣無守兵賊至則倉
穀適足資之耳不置烽燧何也式曰烽燧所以趨救
兵也今兵盡行無以繼之徒驚士民使自潰亂耳使
懦卒爲候騎而少給兵何也式曰彼勇卒操利兵遇
敵且不量力而鬪鬪死則賊至不知矣皆拜曰非所
及也

按餌兵勿食兵家所戒當戰急時往往投之重餌
以亂其行而取之一中于餌鮮不爲所乘者鄧洪

與赤眉戰賊以車載土覆豆其上佯棄之以敗官軍周訪圍杜弋弓大擲實物于城外人競拾之因突圍而去懷州之役賊委物偽遁懷恩軍爭剽獲遂致潰奔皆中于餌之患也賊委棄繒帛盈路而令士卒無敢顧卒以破賊跌跌可謂知兵矣

宿州賊張玄稔將兵數萬拒官軍康承訓遣辨士招諭玄稔出降承訓即宣勅拜御史中丞賜遺甚厚玄稔言今舉城歸國四遠未知請詐爲城陷引衆趨符離賊黨不疑可盡擒也承訓許之益以數百騎皆賞勞而遣之玄稔復入城暮發平安火明日積薪數千束

益智編 卷十七

十二

縱火焚之如城陷軍潰之狀直趨離符離符納之斬其守將收其兵

張晔攻汴環汴爲三十六柵朱溫顧兵少不敢出求救于兗鄆兗州朱瑾鄆州朱宣來援溫置酒軍中中席溫陽起如廁以輕兵出北關襲晔而樂聲不輟晔不意兵至兗鄆之兵又從而合擊大敗之

晉以鐵鎖斷德勝口築河南北爲兩城號夾寨命朱守殷守之梁王召王彥章問破敵之期對曰三日夜左右皆失笑彥章馳兩日至滑州置酒大會陰遣人具船于楊村夜命甲士持巨斧載冶者具韓炭乘流而下

彥章會飲酒半佯起更衣引精卒數千循河南岸趨德勝天微雨守殷不爲備舟中兵舉鎖燒斷之以巨斧斬浮橋彥章引兵急擊南城浮橋斷南城遂破適三日矣守殷救之不及

宋曹瑋用兵多奇計神速不可測一日張樂飲僚吏中坐失瑋所在明日徐出視事而賊首已擲庭下矣

狄青宣撫廣西時儂智高守崑崙關青至賓州值上元節令大張燈燭首夜宴將佐次夜宴從軍官三夜饗軍校首夜樂飲徹曉次夜二鼓青忽稱疾蹶起如內久之使人論孫元規令暫主席行酒少服藥乃出數

益智編 卷十七

十三

使勸勞坐客至曉客未敢退忽有馳報者云是夜三鼓青已奪崑崙關

劉鄩以晉兵在魏晉陽必虛欲襲之潛引兵西去晉人怪鄩軍數日不出遣騎覘之城上時有旗幟往來晉主曰劉鄩一步一計此必詐也更令審探果縛芻爲人縛旗于上以驢負之循城而行晉主即發兵追之鄩還守莘城

宋畢再遇嘗與金人對壘度敵兵衆難與爭鋒一夕拔營去慮來相追乃晉旗幟于營縛生羊置其前二足於鼓上擊鼓有聲敵不覺其爲空營復相持竟日及

覺欲追則已遠矣

劉鄩屯於莘莊宗數以勁兵壓鄩營鄩不肯出末帝數促鄩出戰莊宗與諸將謀曰鄩喜機變本欲示弱以襲我今其見迫必求速戰乃聲言歸太原命符存審守魏陽爲西歸而潛兵貝州鄩果報末帝曰晉王西歸魏無備可擊乃以兵萬人攻魏城東莊宗自貝州反趨擊之鄩忽見晉軍驚曰晉王在此耶兵稍却追至故元城鄩大敗

國朝遼東楊文引軍圍永平 成祖命劉江往援戒之曰敵聞我軍至必遁回山海慎勿追之爾留永平月

蓋智編 卷十七

十四

餘卽盛張旗幟整飭隊伍聲言回比平徐行一二程卷旗囊甲夜復入永平彼聞爾還必復來寇爾出師奮擊必敗之江至永平敵果遁江如上旨稍出卽還敵果復至江出兵掩擊大敗之

吳越王鏐遣其子傳瓘擊吳吳遣彭彥章拒之戰于狼山吳船乘風而進傳瓘引舟避之既過自後隨之吳回船與戰傳瓘使順風揚灰吳人不能開目及舡舫相接傳瓘使散沙於已舡而散豆於吳船豆爲戰血所漬吳人踐之皆僵仆因縱火焚吳舡吳兵大敗張彥澤與契丹戰於陽城軍中無水又大風契丹順風

揚塵奮擊甚銳軍中太懼諸將咸曰虜衆上風吾居其下宜待風回乃可戰藥元福獨曰軍中饑渴已甚若待風回吾屬爲虜矣且逆風而戰敵人謂我不能所謂出其不意者也卽上馬力戰大敗之

梁賀德倫攻修縣晉李存審謂史建瑭等曰修縣方急當以奇計破之存審乃引兵扼下博橋建瑭分其麾下爲五隊隊各百人一之衡水一之南宮一之信都一之阜城自將一隊約各取梁軍樵芻者十人明日會於下博皆殺之留數人斷臂縱去曰爲我語朱公晉王大軍至矣時修縣未下梁王引兵五萬就德倫

蓋智編 卷一

三

共攻之始至縣西未及置營建瑭等各將三百騎劾梁軍旗幟服色與樵芻者雜行暮叩梁營殺門者縱火大譟弓矢亂發左右馳突旣曉各斬馘執俘而去營中大擾不知所爲斷臂者復來曰晉王大軍至矣梁王駭燒營夜遁

梁王景仁擊趙晉遣周德威屯趙州莊宗會德威營于野河北晉兵少而景仁所將皆梁精兵人馬鎧甲餉以組綉金銀其光耀日晉軍望之色動德威馳其衆曰此汴宋傭販兒徒飾其外耳其中不足懼也其一甲之直數十千得之適足爲吾資無徒望而愛之當

勉以往取也退告莊宗曰梁兵甚銳未可與爭宜少待之莊宗曰吾孤軍千里其利速戰不乘勢急擊使敵知吾虛實則無所施矣德威曰趙人能城守不能野戰吾之取勝利在騎兵平川廣野騎兵之所長也今軍于河上迫賊營門非吾用長之地也莊宗不悅退卧帳中德威謂張承業曰吾兵少而臨賊營門所恃者一水耳使梁得舟楫渡河吾無類矣不如退軍鄆邑誘敵出營擾而勞之可勝也承業入言之莊宗乃退軍鄆邑德威遣三百騎挑戰自以勁兵繼之至鄆南兩軍皆陣莊宗登高望而喜曰平原淺草可前

益智編 卷十七

十一

可却真吾之勝地也使人告德威曰吾爲公先公可繼進德威曰梁軍輕出遠來必不暇資糧糗縱其能資亦不暇食不及日中人馬皆飢因其將退而擊之勝諸將以爲然至未申時梁軍東偏塵起德威鼓譟而進麾其西偏曰魏滑軍走矣又麾其東偏曰梁軍走矣梁陣動不可復整遂大敗

宋曹瑋知鎮戎軍嘗出戰小捷虜引去瑋偵虜去遠乃驅所掠牛羊輜重緩行而還頗失部伍其下曰牛羊無用不如棄之整衆而歸瑋不答虜聞瑋利牛羊而師不整遽還襲之瑋愈緩行得地利處乃止以待之

虜將近瑋使人謂曰番軍遠來必甚疲我不欲衆人之怠請休慙士馬少選決戰虜方疲甚皆忻然解嚴良久瑋又使人謂曰歇定可相馳矣于是各鼓軍而進大破虜師棄牛羊而還謂其下曰虜旣去復來幾行百里矣吾知其已疲故爲貪利以誘之若果銳便戰猶有勝負遠行之人若少慙則足疲不能立人氣已闌吾以此取之

曹瑋在邊蕃部有過惡者皆平定之每以餞將官爲名出郊而兵馬次序以食品爲節若曰下某食則某隊發比至水飯則捷報至矣

益智編 卷十七

十二

寶元中党項犯塞時新募萬勝軍未習戰遇寇多比狄青一日盡取萬勝軍旗付虎翼軍使出戰虜望其旗易之全軍徑趨爲虎翼軍所破殆無遺類

宋史作張亢事

趙范趙葵旣破李全夜議詰朝所向范曰西出嘗不利賊必見易因其所易而圖之必勝乃悉精銳數千而

西取官軍素爲賊所易者張其旗以易之全望見喜謂李宋二宣差曰看我掃南軍范麾兵並進葵親搏戰諸軍爭奮賊始疑非前日軍欲走入土城李虎軍已塞其甕門全趨新塘陷淖中官軍追及碎其尸

國朝閩寇鄧茂七退保陳山張楷用其降將羅汝先誘

之使出攻延平乃集諸將授計三面設伏以闔兵屏弱雅爲賊所易者挑之賊果出戰伏兵合擊大破之狄青在涇原常以寡當衆必以奇取勝密令軍中聞鉦一聲則止再聲則嚴陣而陽却聲止則大呼馳突士卒皆如教總遇敵未接戰遽聲鉦士卒皆止再聲却虜大笑曰孰謂狄天使勇時虜謂青天使也鉦既止忽前突之虜兵大亂相蹂踐死者不可勝數追至數里前臨深澗虜忽墮過山峒青遽鳴鉦而止將佐悔不追擊青曰不然奔命之虜忽止而拒我安知非謀軍已大勝殘寇不足利寧悔不擊不可悔不止也

益智編 卷十七

十九

按狄武襄平嶺寇僂智高敗奔邕州其下皆欲窮其窟穴武襄以爲趨利乘勢入不測之域非大將事智高因此獲免人皆罪武襄不入邕州脫智高於垂死乃武襄之用兵主勝而已不求奇功故未嘗大敗計功最多卒爲名將譬如奕棋已勝敵可止矣然猶攻擊不止往往大敗此武襄之所戒也臨利而能戒正武襄過人處也

种師道督涇原秦鳳兵入援至洛聞幹離不已屯京城下或言賊勢方銳願少駐汜水以謀萬全師道曰吾兵少若遲回不進形見情露祇取辱焉今鼓行而前

彼安能測我虛實都人知吾來士氣自振何憂賊哉揭榜沿道言种少保領西兵百萬來遂趨汴水南徑逼敵營金人懼徙皆稍北

李成將馬進犯洪州連營西山張俊歛兵若無人者居月餘進以大書牒索戰俊以細書狀報之進以爲怯俊諜知賊怠乃議戰岳飛曰賊貪而不慮後若以騎兵自上流絕生米渡出其不意破之必矣俊乃令楊沂中絕生米渡飛重鎧躍馬潛出賊右突其陣進大敗走筠州出城布陣飛設伏以紅羅爲幟上刺岳字選騎二百隨幟而前賊易其少薄之伏發敗走飛使

益智編 卷十七

十九

人呼曰不從賊者坐吾不汝殺坐而降者八萬人賊大潰

岳飛在相州討劇賊陶俊賈進和遣卒僞爲商入賊境賊掠以克部伍飛遣百人伏山下自領數十騎逼賊壘賊出戰飛佯北賊來追之伏兵起先所遣卒擒俊及進和以歸

徐壽輝將王善攻福州巡檢劉濬被執罵賊而死其子健請帥府兵以復仇弗聽因盡散家資結死士百人詐爲工商流丐入賊中半夜發火大譟賊驚擾自相殺健手斬殺其父者并擒善獻于帥府磔之

建炎初山賊何三五作亂黃仁環謂諸子曰吾受國恩恨無以報當以計擒賊乃與唐子容謀僞與賊合賊信不疑仁環謂其首曰今欲破縣兩王首俱行誰守洞汝等留此吾先破陣於是引衆鼓而東至朱邨乃詭分兩道出攻虛整部伍密令子容等各插竹葉爲標識與賊兩兩相夾部分既定仁環大呼曰轉陣殺賊子容奮兵夾擊賊千餘人得脫者無數輩諸酋留者令諸子亭于家酒酣自後斫殺之

開禧中金人常以水櫃敗我軍畢再遇夜縛藁人數千衣以甲冑持旗幟戈矛儼立成行昧爽鳴鼓敵驚視

益智編 卷十七

壬

亟放水櫃旋知其非真也甚沮乃出師攻之敵大敗又嘗引敵與戰且前且却至於數四視日已晚乃以香料煮黑豆布地上復前搏戰佯敗走敵乘勝追逐其馬已飢聞豆香皆就食鞭之不前我師反攻之賊人馬死者不可勝計

沅州蠻叛荆湖制司遣兵討之蠻以竹爲箭傳以毒藥略著人血濡纒無不立死官軍畏之莫敢前乃祖畢再遇之智裝束棄人羅列焜燿蠻見之以爲官軍萬矢俱發伺其矢盡乃出兵攻之直擣其穴一戰而平張貴至小新城蒙古以兵數萬邀擊之貴爲無底船百

餘艘中立旗幟各立軍士於兩舷以誘之敵競躍以入溺死者萬餘亦昔人未出之奇也

國初張士誠遣其弟士信圍諸全守將謝再興城守鏖戰二十九日未決士信益兵攻城再興告急於浙東行省左丞朱文忠文忠遣胡德濟援之再興以援兵少而敵衆請益兵是時金華叛寇初定而嚴州逼近敵境處州又爲叛苗所據文忠自度兵少不能應援聞平章邵榮率兵討處州將至與都事史炳謀曰兵法先聲而後實今諸全被圍日久寇勢益盛而我軍少非謀不足以制之今邵平章來取處州宜借以張

益智編 卷十七

壬

聲勢亦制寇一奇也乃揚言右丞徐達平章邵榮領大軍至嚴州克日進擊使諜榜於義烏之古朴嶺士信兵見之果驚謀夜遁德濟密與再興謀發壯士夜半開門出擊鼓譟從之寇兵亂走自相蹂踐及溺死者甚衆

納哈出寇遼東由蓋州城南沿柞河遁歸指揮葉旺策其將退先引兵趨柞河自連雲島至窟駝寨十餘里綠河疊水爲牆以水淋之經宿皆凝沍隱然如城藏釘板於沙中設陷馬奔于平地伏兵以待之命老弱卷旗登兩山間戒以聞砲卽豎旗各嚴兵以候四顧

寂若無人已而虜至砲發伏兵四起兩山旌旗蔽空
鼓聲雷動矢石雨下納哈出倉猝北奔趨連雲島遇
水城馬不能前皆陷入穽中遂大潰

成祖駐師徐州欲移軍南行諸軍曰各營軍士多出取
糧恐後至者城中出兵掩之非便上曰無慮要雖
一人行彼亦不敢犯乃伏兵九里山先藏百餘騎於
演武亭令數驍往來城下誘之戒曰爾至城下解鞍
息馬示以安閑若敵不出即慢罵以挑之敵怒來追
爾按轡徐行引其渡河既渡即舉砲我縱兵擊之彼
必回渡河蒼黃之頃必成擒矣數騎往來城下城中

先智編 卷十七

三

兵不敢出乃焚其廬舍大罵之發一矢射城上抵暮
乃去明日復然城中不勝憤開門出兵追度河伏發
上以數騎馳出西門夾擊之敵奔潰後單騎往來
城中人竟不敢出

車駕北征發廣漠鎮 成祖諭諸將曰虜性貪至死不
易今雖潰散必有窺伺我後者乃命諸軍先渡河伏
騎士數百於河曲柳林中令步卒十餘持銃後行實
草于囊載之以誘虜戒曰虜至則引入伏中舉銃伏
兵聞銃即出上按精兵千餘晁後發虜見大軍渡河
果貪所載物競趨而至銃發伏兵出虜亟回走上所

率兵已至生禽數十人自是軍行虜無敢窺于後者
永樂初勅總兵官宋晟曰近兀良哈人來言鬼力赤部
落移向北行胡人譎詐未可遽信或覘知武城侯軍
出故遣遊說以怠我軍若我軍輕信而驕即墮其計
宜比常加慎昔隋長孫晟毒水上流以敗突厥宋劉
錡亦毒潁水以敗兀朮此皆前代名將所為爾可官
給米麴令諸屯多釀酒探知虜寇將至即置毒酒中
河井亦然而退以避之彼飢渴之際人馬受毒可不
戰而斃也兵家之事以權取勝此而獲濟不愈于殺
人以逞乎

先智編 卷十七

三

正統中郭登鎮大同虜騎數千突至登令置毒於酒具
羊豕肉香紙偽若祭塚者見賊伴走賊爭食飲死者
甚衆

劉江在遼東金州望海窩其地極高乃築城堡以便瞭
望一日瞭者言東南夜舉火有光江度倭寇將至命
指揮徐剛伏兵山下百戶姜隆帥壯士潛燒賊舡截
其歸路翌日倭賊二千餘乘海艚直趨窩下登岸江
犒師秣馬畧不為意既而賊至江被髮舉旗鳴砲伏
起賊大敗餘衆奔櫻桃空堡將士請入剿殺江不許
特開西壁縱之分兩翼夾擊生禽數百人斬首千餘

間有脫入艚者悉爲隆等所縛將士請曰公見寇意思安閒臨陣作真武被髮狀追賊入堡不殺而縱之出何也江曰寇始遠來必饑且勞我以逸待勞以飽待饑固禦敵之道也賊始魚貫而前類長蛇陣我故爲真武形以厭之雖愚士卒之耳目亦可以壯兵氣賊旣入堡若急攻之必死戰故縱其生路此圍師必闕之意也兵法皆有之顧諸君不察耳衆皆服

天順間大壩之捷壩吞黃河唐來渠口也勢奔下俯瞰城邑胡酋索來入寇欲毀壩縱水灌境內時精騎調援延綏都督張泰募義勇三千餘人以疲弱挽車付

益智編 卷十七

主

其子詔總攝以行至壩所與賊遇背河而營詭設牛馬于河之南潯以善水者往來河中戲罵水皆不及腰賊誤以爲淺乃大驅遶吾壁而下詔令車徒截其半前驅者盡溺水中斬獲數百追出賀蘭山而還陶魯以父成死事廕新會丞累遷左布政使撫治兩廣其行兵兵不先知卽裨將亦不先知惟檄面署曰某封某日某時發之乃知進兵卽數路如期至或先半年調兵食或先數月運軍械惟曰戍守賊不及備而敗嘗宴客樽俎未徹捷報已至坐客駭其神筭云

嘉靖初沈廷儀在廣右荔浦賊八千渡江東寇謀者以

告公倉卒率五百人待於江岸駐白馬寨去蛟龍滑石兩灘各數里公以滑石灘狹牽線而濟雖衆可薄也蛟龍灘濶成列而濟衆難圖矣欲奪其濶而致之狹令製旗軍中無尺帛伐岸竹揭竿編筏以爲繆刻頃成數百旗插之蛟龍灘令羸卒數十人守之燃柴烟以疑賊賊果避蛟龍趨滑石公分兵兩岸潛以小舡載勁卒伏葭葦中賊營于中洲以護濟濟且半公以艦乘龍急衝之兩岸軍謀而前賊皆辟易斬獲溺死無算

廷儀在柳城每以凄風凍雨之夜察賊所止宿處四散

益智編 卷十七

主

遣人齎火鏡以筒貯火衣毳衣毳帽與草同色潛至賊所聲鏡者二賊盡驚挈妻裸而蒲伏山頂往往寒冷或觸崖石死黎明下山詔之則寂無人陰使其黨至城訶之時公所遣衣毳者四散諸巢同夜舉鏡諸所使爲訶者亦同會於城旁更相駭怪已而訶之城中人廷儀固安坐城中不出也自是賊益膽落

益智編卷之十七終